

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

AD STUDIOSVM LECTOREM.

HAM Galliarum partem quam obtinet Hispaniarum Rex descripturus, idem quem in Francorum Regno constitui, ordo sequendus mihi erit. Primum ergo ea quæ de Inferioris Belgij politico statu mihi in studiosorum gratiam communicauit vir clarissimus D. Dominicus à Burmania accipe, postea prouincias Dominiãq; enumerabo & describam.

POLITIA BELGII SVB
BURGVNDIONIBVS.

MNIS Gallia secundum Iulium Cæsarem diuisa est in Belgicam, Celticam & Aquitanicam. Belgicæ mediam fortè partem Hispaniarum Rex aliquot iam possidet sæculis: alteram, Picardiam scilicet, Campaniam, Normandiam (quanquam hæ duæ postremæ non in totum sub Belgio continentur) & reliquam Belgij partem possident Dux Lotharingiæ, Iulia, Cliuia, Archiepiscopus Treuirensis, Moguntinensis, Coloniensis, Episcopus Leodiensis & alij. Produxit hæc Belgica teste Iulio Cæsare illustriores semper ac fortiores milites quàm reliqua Gallia, ita vt non modò illius tempore, verùm etiam nostro sæculo omnem belli molem sustinuèrit.

Continet autem circiter 320. vrbes munitas, & circiter 230. oppida priuilegiata, pagos verò plus minus 12000.

Et quanquam tota hæc Belgica propter diuersas Imperiales & Regales dignitates, Electoratus, Archiepiscopatus, Episcopatus, coronationem tam Imperatoriæ Maiestatis Aquisgrani, quàm Regni Franciæ Sessionæ mirè inclarescat, illa tamen pars, quæ Regi Catholico semper paruit, longè nobilissima est: tum propter ortum ac natalem quamplurium Monarcharum, Regum, Principum & Ducum, tum etiã propter frequentes in ea & opulentissimas vrbes, infinita oppida, & innumerabiles pagos, adeoq; inhabitatorum abmirandam frequentiam, eorum diuitias, ciuilitatem, ac animi fortitudinem. Quibus etiam Carolum V. Imperatorem motum fuisse ferunt, vt in deliberationem multoties traxerit, in regnum eas prouincias esse erigendas. verùm propter priuilegiorum, morum, atq; legum in singulis prouincijs diuersitatē, tum continuorum bellorum difficultates, quibus opprimebatur, ab instituto reuocatum fuisse.

Hæc pars in circuitu habet ferè 340. milliaria Flandrica, Italica 1000. continet vrbes clausas 208. & circiter 150. oppida, vrbibus propter splendorem & priuilegia haud inferiora: pagos verò plus minus 6300. maiores minores autem infinitum numerum ferè, sicut & diuersa Dominiã ac principatus merum aut mixtum imperium habentia.

De Præside aut Gubernatore totius Belgij.

Eadem in hoc Belgio est administrandæ Reip. ac iustitiæ ratio, quæ in regno Galliæ, eadem Magistratum nomina, eademq; authoritas prouincijs omnibus. Vnus à rege Catholico semper est generalis cum summa authoritate præfectus, qui & Burgundiæ quoq; Comitatus præest, neq; enim præ multitudine regnorum ac prouinciarum ipsius eam, sicut Burgundiæ Duces solent, administrare valet. Quapropter tempore Maximiliani Cæsaris, eiusq; filij Philippi, summæ rerum præfuit ad tempus Georgius Saxoniarum Dux. Caroli V. Imperatoris tempore primum Margareta Austria, Imperatoris matertera, qua defuncta soror dictæ Cæsariæ Maiestatis Maria Vngariæ Regina ab anno 1531. ad 1555. quo Imperatoria Maiestas totum Belgium filio Philippo renunciauit, qui successiuè easdem prouincias demandauit suo nomine regendas Emanueli Philiberto Sabaudiarum Duci consobrino, puta ex duabus sororibus Regis Lusitaniæ utroq; nato, qui à Rege Ducatus suo Sabaudiarum restitutus Præfecturæ renunciauit, atq; in eius locum surrogata est Regis soror Margareta Parmæ ac Placentiæ Ducis vxor, cui præter alia consueta assignati fuere in singulos annos 36. millia coronatorum. Hic Præfectus licet summam adeoque plenissimam haberet per totum Belgium authoritatem, cuncta tamen maiora munera ac officia, vt sunt, Præsidentis, Cancellariatus Statuum, ita omnes leges, decreta & negotia sub Regis nomine distribuuntur, atque emanant. Scire autem hinc oportet, antequam de singulis consilijs seorsim quid dicamus, olim duo illa consilia Statuum & Priuatum vnū tantum apud Principem fuisse, quod priuatum nuncupabatur: verùm excrescentibus negotijs in duo diuersa id partiri necesse fuit.

De Consilio Statuum.

Consilium Statuum, vt vocant, quod apud gubernatorem residet, incerto constat Consiliariorum numero, pro arbitrio enim Principis negotiorum necessitate plures vel pauciores adhibentur. Constat verò ex diuersis Prouinciarum Belgij Præfectis, nonnullisq; doctoribus, qui propter doctrinam, integritatem, ac virtutes subindè adhibentur. Huic ordini vnus præest Iudex seu Præses consilij. Cum hoc consilio deliberat Belgij summus Præses super rebus Principis & publicis, puta de bello & pace deque generali totius patriæ regimine. Eodem in deliberationem veniunt, quæ ab omni parte adferuntur. Item foedera cum Principibus ac vicinis, an dimittendi vel retinendi sint belli Duces. Item de propugnaculis, munitionibus, prouisionibus armorum, qui demandandi & recipiendi legati, cunctaque huc referuntur ex consilijs magis ardua negotia. denique vt summatim dicamus, quicquid conseruationem ac protectionem totius patriæ intus & foras concernit, in hoc consilio deliberatur. Solent & extraordinarijs & magis arduis negotijs adhiberi quoque omnes Ordinis aurei velleris, & ex alijs gubernatoribus prouinciarum, officarijsque Regijs nonnulli.